

შპს „პალიტრა TV“-ს თვითრეგულირების სააპელაციო ორგანოს

07.04.2014

2016 წლის 31 მარტს - 1 აპრილს მოსარჩელებს ჩაგვბარდა ტელეკომპანია „პალიტრა TV“ გადაწყვეტილება საქმე N2016/1, რომელიც კერძოდ ეხებოდა არასამთავრობო ორგანიზაციების „მედიის განვითარების ფონდი“ (MDF); კავშირი „საფარი“, „იდენტობა“, „ტოლერანტობისა და მრავალფეროვნების ინსტიტუტი“ (TDI) და „საქართველოს დემოკრატიული ინიციატივა“ (GDI) 2016 წლის 9 მარტის [საჩივარს](#)¹ 2016 წლის 28 თებერვლის 20 საათზე ტელეკომპანიის ეთერში გასული გადაცემის „ფალავანდიშვილთან - საგანი მე და საზოგადოება“² თაობაზე.

აღსანიშნავია, რომ მაუწყებლის თვითრეგულირების ორგანომ საჩივარი განიხილა მოსარჩელე მხარის მონაწილეობის გარეშე. „მაუწყებლობის შესახებ“ საქართველოს კანონის მე-14 მუხლის პირველი პუნქტის შესაბამისად, „მაუწყებელი ვალდებულია ქცევის კოდექსის საფუძველზე შექმნას თვითრეგულირების ეფექტიანი მექანიზმი, რომელიც უზრუნველყოფს საჩივრების განხილვასა და მათზე დროულ და დასაბუთებულ რეაგირებას“.

კომუნიკაციების მარეგულირებელმა კომისიამ თავის გადაწყვეტილებაში საქმეზე **„შპს „დამოუკიდებელი ტელეკომპანია მეგა-ტვ“-ს წინააღმდეგ შპს „ტელერადიოკომპანია რიონის“ საჩივრის განხილვისა და შპს „დამოუკიდებელი ტელეკომპანია მეგა-ტვ“-სთვის ადმინისტრაციული პასუხისმგებლობის დაკისრების თაობაზე, N: 298 / 18 გამოქვეყნების თარიღი: ივლისი 02, 2015 14:00 მიღების თარიღი: ივნისი 04, 2015“** განაცხადა:

„კომისიას მიაჩნია, რომ „მაუწყებლობის შესახებ“ საქართველოს კანონის მე-14 მუხლით გათვალისწინებული მაუწყებლის თვითრეგულირების მექანიზმის არსებობის მიზანს, ერთი მხრივ, წარმოადგენს მაუწყებლისთვის, ამავე კანონით გათვალისწინებულ, რიგ შინაარსობრივ ვალდებულებებთან დაკავშირებით მაქსიმალური დამოუკიდებლობის მინიჭება, რაც გამოიხატება თავად მაუწყებლის მიერ საჩივრის განხილვაში და, მეორე მხრივ, მაუწყებლის, როგორც საჯარო ფუნქციების განმახორციელებელი კერძო სამართლის სუბიექტისთვის

¹ <http://www.notophobia.ge/geo/view-resources/self-regulation-practice/14>

² <http://www.myvideo.ge/v/2799757>

ვალდებულების დაკისრება, რომ „მაუწყებელთა ქცევის კოდექსითა“ და „მაუწყებლობის შესახებ“ საქართველოს კანონით განსაზღვრულ რიგ შინაარსობრივ ვალდებულებებთან დაკავშირებით მაუწყებელში წარდგენილი საჩივრის განხილვა უზრუნველყოფილ იქნას თვითრეგულირების მექანიზმის ფარგლებში **გამჭვირვალედ, ყველა დაინტერესებული პირის მონაწილეობით**. სწორედ დაინტერესებული მხარის მონაწილეობით საკითხის განხილვა და მისთვის შესაბამისი არგუმენტაციისა და მტკიცებულებების წარდგენის საშუალების მიცემა წარმოადგენს იმ ერთ-ერთ ფაქტორს, რაც თავის მხრივ უზრუნველყოფს თვითრეგულირების მექანიზმის ეფექტიანობას“³.

შესაბამისად, რადგან ჩვენი სარჩელის განხილვა მოხდა მხარის მონაწილეობის გარეშე, მიგვაჩნია, რომ ამით დაირღვა „მაუწყებლობის შესახებ“ საქართველოს კანონის მე-14 მუხლის მოთხოვნა. აღნიშნულის საფუძველზე გთხოვთ გააუქმოთ თვითრეგულირების ორგანოს მიერ მიღებული გადაწყვეტილება და განიხილოთ ჩვენი სარჩელი მხარის მონაწილეობით.

თამარ ხორბალაძე

„მედიის განვითარების ფონდი“ (MDF)

საკონტაქტო ინფორმაცია: ქობულეთის ქუჩა 34/36, სადარბაზო 1, სართული 4, ბინა 5 0179, თბილისი, საქართველო. ელ. ფოსტა: mdfgeo@gmail.com ტელ: 0790/99 66 07

ბაია პატარაია

კავშირი „საფარი“

საკონტაქტო ინფორმაცია: ქანთარიას 11/ა, 0161, თბილისი, საქართველო; ელ.ფოსტა: unionsapari@gmail.com; ტელ: 995 32 2 307 603

მარია დარჩიევი

„იდენტობა“

საკონტაქტო ინფორმაცია: 112 მიხეილ წინამძღვრიშვილის ქუჩა, 3 სართ. 0164, თბილისი, საქართველო. ელ. ფოსტა: info@identoba.com

ნათია იმნაძე

³ <http://www.gncc.ge/ge/legal-acts/commission/solutions/2015-298-18.page>

„საქართველოს დემოკრატიული ინიციატივა“ (GDI)

საკონტაქტო ინფორმაცია: რ.ერისთავის #3, მე-3 სართული, თბილისი, საქართველო
ელ.ფოსტა: info@gdi.ge tel: (995 32) 2 72 80 08

ეკა ჭითანავა

ტოლერანტობისა და მრავალფეროვნების ინსტიტუტი (TDI)

საკონტაქტო ინფორმაცია: ი. ჭავჭავაძის გამზირი 11; მე-4 სადარბაზო, II სართული, ბინა N 38.
0179, თბილისი, საქართველო ელ.ფოსტა: tdigeorgia@gmail.com ტელ: 995 32 222 35 76